



真人備急千金要方卷之五十二

兩清閣

兩清閣

宋朝奉即守太常少卿允秘閣校理林億等校正

胃腑方

胃腑脈論第一

論曰胃腑者主脾也口唇者是其候也脾合氣於胃胃者水穀之腑也號倉庫守內壘吏重貳斤拾肆兩迂曲屈伸長壹尺陸寸太壹尺伍寸徑伍寸受水穀叁斗伍升其中當留穀貳斗水壹斗伍升廣脇大頸張胸五穀乃容而滿上焦泄氣出其精微慄悍滑疾下焦下溉泄諸小腸此腸胃所受水穀之數也平人則不然胃滿則腸虛腸滿則胃虛更滿更虛氣得上下五臟安定血脈和利精神乃君故神者水穀精氣也五藏不足調於胃



小丘山房

金卷五十二

喬氏世定刻行

故腸胃之中當留穀貳斗肆升水壹斗壹升故人壹日再至後甲乙後貳升半壹日中伍升甲乙朱叁斗伍升而留水穀盡作圖故平人不飲不食柒日而死者水穀精氣津液皆盡故柒日而死矣

右手關上陽絕者無胃脈也若吞酸頭痛胃中有冷刺是大陰治陰在足大指本節後壹寸

右手關上陽實者胃實也若腸中伏伏一不思食得食不能幅幅

消刺足陽明治陽在足上動脈脈浮而乳浮則為陽乳則為陰

浮乳相搏胃氣生熱其陽則絕

跌陽脈浮大者此胃家微虛煩圍必日再行動作頭痛重熱氣

朝者屬胃

胃脉搏堅而長其色赤當病折髀其栗而散者當病食痺髀
病先發於胃脹滿伍日之腎少腹腰脊痛脛痠叁日之膀胱背
脊筋痛小便閉伍日之上心脾心痛閉塞不通身痛體重
叁日不已死夜半後夏日晡胃病者腹臑脹胃管當心而痛
上支兩脇膈咽不通飲食不下下取叁里
飲食不下膈塞不通邪在胃管在上管則抑而刺之在下管則
散而去之

胃脹者腹滿胃管痛鼻聞焦臭妨於食大便難

胃瘧令人旦病也善飢而不能食食而支滿腹大刺足陽明太
陰橫脉出血

胃中有癖食冷物者痛不能食食熱則能食脾前受病移於
小丘山房

金方卷五十二

喬氏世定刻行

胃脾款不已嘔吐長蟲

厥氣客於胃則夢飲食

診得胃脉病形何如肉胃脉實則脹虛則洩脾應肉胛肉胛堅
大者胃厚肉胛磨者胃薄肉胛小而磨者胃不堅肉胛不稱其
身者胃下胃下者腕約肉胛不堅者胃緩肉胛無小果累累標緊
者胃急肉胛多小果累累者胃結胃結者胃上腕約不利

扁鵲云足太陰與陽明為表裏脾胃若病實則傷熱熱則引水
漿常渴虛則傷寒寒則苦飢常痛發於風水其根在胃先從
四肢起腹滿大通身腫方在治水篇中

胃絕不治五日死何以知之舌腫溺血大便赤泄

足陽明之脉起於鼻交頰中旁約太陽之脉下循外上齒中

還出俠口環脣下交承漿却循頤後下廉出大迎循頰車上耳
前過客主人循髮際至額顙其支者從大迎前下人迎循喉嚨
入缺盆下膈屬胃絡脾其直者從缺盆下乳內廉下俠臍入氣
街中其支者起胃下口循腹裏下至氣街中而合以下髀關抵
伏兔下膝入臏中下循脗外廉下足跗入中指內間其支者下
膝參寸而別以下入中指外間其支者跗上入大指間出其端
也動則病悽悽振寒善伸數欠頰黑病至誣人與火聞木音
則惕然而驚心動欲獨閉戶牖而處甚則欲上高而歌棄衣而
走黃嚮腹脹是為肝厥是主血所生病者狂癰溫淫汗出軌衄
口喎脣緊頸腫喉痺大腹水腫膝臏腫痛循膺乳股伏兔髀
外廉足跗上皆痛中指不用氣盛則身以前皆熱其有餘於胃
小山山房

金卷五十二

三

喬氏世定刻行

胃虛實第二

則消穀善飢黃氣不足則身以前皆寒懷胃中寒則脹滿盛者
則人迎大參倍於寸口虛者則人迎反小於寸口

胃實熱

右手關上脉陽實者是陽明經也病苦頭痛脉脈作脹中
堅痛而熱也汗不
出如溫瘧脣口乾善噦乳癰缺盆腋下腫痛名曰胃實熱也

瀉胃熱湯方

施子仁 射干

升麻

茯苓

芍藥

白朮

赤蜜

生地黃汁

各一升

右八味咬咀以水七升煮取一升半去滓下地黃汁煮兩沸
次下蜜煮取三升分三服老小以意加減

胃中熱病

灸參里參於壯穴在膝下參寸

胃虛冷

右手關上脉陽虛者是陽明經也病苦脛寒不得卧惡風寒濯濯目急腹滿虛鳴耳虛鳴時寒時熱唇口乾面目浮腫名曰胃虛冷也

補胃湯治少氣口苦身體無澤方

栝子仁 防風 細辛 桂心 橘皮各二兩

芎藭 吳茱萸 人參各三兩 甘草一兩

右九味以水一斗煮取三分為三服

人參散補胃虛寒身枯絕諸骨皆痛方

小丘山房 今金卷五十二 四 喬氏世定刻行

人參 甘草 細辛各六分 麥門冬 桂心

當歸各七分 乾薑二兩 遠志一兩 吳茱萸二分 蜀椒三分

右十味治下節食後溫酒服方寸七

喉嚨論第三

論曰喉嚨者脾胃之候也重十二兩長一尺二寸廣二寸其脣圍十二重應十二時主通利水穀之道注來神氣若臟熱喉則腫塞氣不通烏翼膏止之方在第六卷中若腑寒喉則耿耿如物常欲窒瘞痺涎唾熱則開之寒則通之不熱不寒依臟調之方見第六卷中

反胃第四法脈灸

寸緊尺澀其人胸滿不能食而吐吐止者為下之故不能食言未止者此為胃反故尺為之微澀

跌陽脉浮而澀浮即為虛澀即傷脾脾傷即不磨朝食暮吐暮

食朝吐宿穀不化名胃反跌陽脉緊而澀其病難治

治胃虛反食下喉便吐方
人參一兩 澤瀉 甘草 桂心各二兩 橘皮

乾薑各三兩 茯苓四兩 大黃六兩 青竹茹五兩

右九味咬咀以水八升煮取三升一服七合日 夜一已利

者去大黃

治反胃而渴方

茯苓 澤瀉 半夏各四兩 桂心 甘草各二兩

右五味咬咀以水五升煮取二升分三服一方入生薑四兩

治胃反吐逆不消食吐不止方

小山山房 人參 澤瀉 桂心各二兩 茯苓四兩 橘皮

黃耆各三兩 大黃半兩 生薑八兩 半夏一升

麥門冬三升 人參 澤瀉 桂心各二兩 茯苓四兩 橘皮

右十一味咬咀以水一斗二升煮取三升二合一服八合日

三夜一贏人六合已利去大黃

治胃反朝食暮吐食訖腹中刺痛此由久冷方

橘皮三兩 甘草 厚朴 茯苓 桂心

細辛 杏仁 竹皮各二兩 檳榔十枚 前胡八兩

生薑五兩 人參一兩

右十二味咬咀以水一斗三升煮取三升分三服一方有甘

皮二兩

皮二兩

金卷五十二

五 喬氏世定刻行

又方

橘皮

兩三

白朮

人參

兩各二

蜀椒

一百二十粒

桂心

一兩

薤白

一握

右六味吹咀以水二升漬一宿內羊肚中縫合以三升水煮水盡出之決破去滓分三服

治反胃大驗方

前胡

生薑

各四兩

阿膠

一兩

大麻仁

五合

橘皮

三兩

桂心

三寸

甘草

五寸

大棗

十枚

吳茱萸

四合

右九味吹咀以水參升酒二升煮取一升七分合分二服

華佗治胃反胃反為病朝食暮吐心下堅如枳升往來寒熱吐逆不下食此為關上寒澀所作將成肺痿治之方

小丘山房

金卷五十二

喬氏世定刻行

真珠

雄黃

丹砂

各三兩

朴消

五兩

乾薑

十累

右五味為末蜜丸如梧子先食服三丸若小煩者飲水自解然無所忌神良無比一方用桂心二兩

治胃反食即吐方

擣粟米作麩水和作丸楮子大七枚爛者內醋中細細吞之得下便已麩亦得用之

大半夏湯治胃反不受食食已即嘔吐方

半夏

升三

白蜜

白朮

各一升

人參

二兩

生薑

三兩

右五味吹咀以水五升和蜜揚之二三百下煮取一升半分

三服

治胃反食即吐出上氣方

蘆根

節根

各二兩
細切

右二味以水四升煮取二升頓服之得下良

又方飲白馬尿即止

又方燒先死雞臍灰酒服男雄女雌

又方淘小芥子曝乾為末酒服方寸七日止

又方灸兩乳下各一寸以瘡為度又灸臍上一寸二十壯又灸

四踝下三指稍邪向前有穴三壯外臺秘要三指作一指也

治酢咽方

麴末

斤一

地黃

斤三

右二味合搗日乾以酒服三方寸七日三

治噫酢咽方

小山房

二卷卷五十二

七

喬氏世定刻行

吳茱萸

斤半

生薑

兩三

人參

兩一

大棗

十二枚

右四味咬咀以水六升煮取二升先食服一升日再

治中散食後吐酸水方

乾薑

食茱萸

各二兩

右二味治下篩酒服方寸七日二胃冷服之立驗

嘔吐噦逆第五

方

論
灸法

夫吐家脉來形狀如新卧起陽緊陰數其人食已即吐陽浮而數亦為吐寸口脉緊而芤緊即為寒芤即為虛寒虛相搏脉為陰結而遲其人即噎關上數其人則吐跌陽脉微而澀微即下利澀即吐逆數不得入跌陽脉浮者胃氣虛寒氣在上或氣在下二氣並爭但出不入其人即嘔而不得食恐怖如死寬

緩即瘧嘔而脉弱小便復利身有微熱見厥難治

論曰凡服湯嘔逆不入腹者先以甘草三兩水三升煮取二升服之得吐但服之不吐益佳消息定然後服餘湯即流利便不吐也凡嘔者多食生薑此是嘔家聖藥

半夏湯治逆氣心中煩悶氣滿嘔吐氣上方一名小煎

半夏升一 生薑升一 茯苓 桂心各五兩

右四味㕮咀以水八升煮取二升半分三服若少氣加甘草

二兩

前胡湯治寒熱嘔逆少氣心下堅聚彭亨滿不得食寒熱瘧渴補不足方

前胡 生薑各二兩 甘草 枳實湯下 大黃別浸各二兩

小丘山房

千金卷五十二

喬氏世定刻行

芍藥 茯苓 麥門冬 當歸 半夏

滑石 石膏 桔萸根 黃芩 附子

人參各一兩

右十六味㕮咀以水一斗二升煮取六升分四服

治嘔吐四肢痺冷上氣腹熱三焦不調方

前胡 芍藥 甘草 當歸 石膏

人參 桂心 橘皮各二兩 芍藥二兩 半夏四兩

生薑五兩 大棗三十枚

右十二味㕮咀以水一斗二升下黃芩三兩合煮取三升

三服一方不用黃芩

小麥湯治嘔吐不止方

小麥升一 人參 厚朴各四兩 甘草一兩 青竹茹二兩

生薑汁三兩 茯苓三兩

右七味咬咀以水八升煮取三升去滓分三服

猪苓散治嘔而隔上寒方

猪苓 茯苓 白木各三兩

右三味治下節以飲服方寸七日三渴者多飲水

犀角人參飲子嘔逆胃氣虛邪風熱不下食方並皆治之

犀角 人參各二兩 薤白五兩 粟米一合

右四味咬咀以水四升半煮取壹升柴合下米煮令米熟分

四服相去七里久進一服

治春夏時行傷寒寒傷於胃胃冷變哕方

小山房 上金方卷五十二 九 喬氏世定刻行

橘皮 桂心 葛根各二兩 白茅根一升

右四味咬咀以水六升煮取三升分三服數進服盡更有

熱去桂

小半夏加茯苓湯治諸嘔噦心下堅痞隔間有水痰眩悸者見方

第十八卷中

治嘔噦方

人參一兩 胡麻仁八分 橘皮一分 枇杷葉八兩

右四味咬咀以水一斗煮枇杷葉取五升下藥煮取三升內

麻人稍飲之

又方蘆根切三升以水一斗煮取四升分作四服

治氣厥嘔噦不得息方

豉升 半夏八兩 生薑二兩 人參 前胡

桂心 甘草各一兩

右七味咬咀以水九升煮取三升分三服

又方

大棗十五枚 附子一枚 橘皮二兩 豉一升 生薑

甘草各一分

右六味咬咀以水九升煎取二升分三服日三

治卒嘔噦厥逆方

飲新汲冷水三升佳

橘皮湯治乾嘔噦若手足厥冷者方

橘皮四兩 生薑半斤

小山房

金卷三十二

喬氏世定刻行

右二味咬咀以水七升煮取三升分三服不止更合服之

治傷寒後噦乾嘔不下食方

生薑根升切 青竹茹升 粳米三合 生薑二兩

右四味咬咀以水五升煮取二升分三服不止服三劑

又方

通草 橘皮各二兩 粳米三合 生薑根切一升

右四味咬咀以水四升煮取一升半分三服

治乾嘔吐逆涎沫出者方

半夏 乾薑各等分

右二味咬咀以漿水一升半煮取七合頓服之日三

治病人乾嘔方

取羊乳汁飲一椀

治乾嘔方

酒浸馬屎一宿取汁服之

又方灸心主尺澤亦佳

又灸乳下一寸三十壯

又方乾嘔不止粥食湯藥皆吐不停灸手間使三十壯若四厥脉沉絕不至者灸之便通此起死人法

治噦方

煮豉三升飲汁佳

又方飲空腹飲薑汁一升

又方濃煮蘆根汁飲之

小丘山房

不食藥

二

喬氏世定刻行

又方灸承漿七壯炷如麥大

又灸臍下四指七壯

治惡心方

苦瓠穰并子一升碎以酒水三升煮取一升頓服須臾吐

并下如蝦蟇衣三升

又方服小便一百日佳

又方麻子一升熬令香熟擣取酒三升熟研濾取一升飲盡日

二服盡一石瘥一切病自能飲食不能酒任性多少

治食已吐其食方

大黃兩四 甘草兩二

右二味咬咀以水三升煮取一升半分再服

治食飲輒吐方

頓服生熟湯三升即止

灸法 條散 見前

吐逆嘔不得食灸心輸百壯

吐嘔逆不得下食今日食明日吐者灸隔輸百壯

吐變不得下食灸胸堂百壯

吐逆不得食灸巨闕五十壯

吐逆食不佳灸胃管百壯三報

吐逆飲食却出灸脾募百壯三報 章門也

吐嘔宿汁吞酸灸神光 一名百壯三報也 甲乙經云日月膈募

吐逆霍亂吐血灸手心主五十壯

小山山房

全宋五十二

一二

喬氏世定刻行

意臧隔中氣閉塞灸腹下聚毛下附脇宛宛中五十壯

意臧嘔逆灸石關百壯

孫真人備急千金要方卷之五十二

孫真人備急千金要卷之五十三

宋朝奉即守太常少卿充秘閣校理林億等校正

胃腑方

噎塞第六 論方

五噎圓治胸中久寒嘔逆逆氣飲食不下結氣不消方 古今

噎者氣噎憂噎勞噎食噎思噎氣噎者心悖上下不通噎噦不
散胸脇苦痛憂噎者天際苦厥逆心下悸動手足逆冷勞噎者
苦胸膈脇下支滿胸中填塞令手足逆冷不能自溫食噎者食
無多少惟胸中苦塞常痛不行喘息思噎者心悸動喜忘目鏡
眈眈此皆憂志填怒寒
氣上入胸脇所致也

乾薑 蜀椒 食茱萸 桂心 人參 各五分

細辛 白朮 茯苓 附子 各四分 橘皮 六分

右十味為末蜜和丸如梧子大以酒服三九日三不止稍
小丘山房 千金方卷五十三 一 喬氏世定刻行

加至十九

又方治五種之氣皆令人噎方

人參 半夏 桂心 防風 一作防葵 小草

附子 細辛 甘草 各二兩 紫菀 乾薑

食茱萸 芍藥 烏頭 各六分 枳實

右十四味為末蜜丸如梧子大以酒服五九日三不止加
至十五丸烏頭與半夏相反但去一味合之

竹皮湯治噎聲不出方

竹皮 一用竹葉 細辛 各二兩 甘草 生薑 通草

人參 茯苓 麻黃 五味子 桂心 各一兩

右十味呔咀以水一斗煮竹皮減二升去竹皮下藥煮取三

升分三服

乾薑湯治飲食輒噎方

集驗名
半夏湯

乾薑

石膏

各四兩

人參

桂心

括婁根

集驗
各二兩
梗

半夏

小麥

各一升

甘草

一兩

吳茱萸

二升

赤小豆

三十粒

右十味咀咀以酒五升水一斗煮棗二十枚去滓合煮取三

升分三服

通氣湯治胸滿氣噎方

半夏

八兩

生薑

六兩

桂心

三兩

大棗

三十枚

右四味咀咀以水八升煮取三升分五服日三夜二

豨羊角湯治氣噎不通不得食方

豨羊角

通草

橘皮

各二兩

厚朴

吳茱萸

小丘山房

千金方卷五十三

二

喬氏世定刻行

乾薑

各三兩

烏頭

五枚

右七味咀咀以水九升煮取三升分三服日三

又方

杏仁

桂心

各三兩

右二味為末蜜丸如棗大稍稍咽之臨食先含彌佳

治卒噎方

滿口著蜜食之即下

又方捻取飯盆邊零飯一粒食之即下

又方刮春杵頭細糠含之即下神驗

治諸噎方

常食乾粳米飯即不噎

又方末火灰蜜丸如彈子大含少少咽即下

又方老牛涎棗核大水中飲之終身不復噎

論曰凡療病者皆以其類至如治哽之法豈宜以鷓鴣主骨
哽狸虎治魚哽耶至於行笈雉白嚼筋綿蜜等事乃可通為
諸哽用耳

治諸哽方

取鹿筋漬之令濡合而索之大如彈丸以線繫之持筋端
吞之入喉推至硬處徐徐引之喉着筋出

又方作竹篾刮令滑淨綿裹內咽中令至哽處可進退引之
哽即隨出

又方用綿二兩以蜜煎使熟的的爾從外薄哽所在處灼灸
小山山房

千金方卷五十三

三

喬氏世定刻行

以慰綿上若故未出復者一段綿以代前用者并以皂莢屑少

少吹鼻中使得嚏哽出

肘後方云治哽
百日不出者

又方煮雉白令半熟小嚼之以線繫雉中央捉線吞雉下喉至
哽處牽引哽即出矣

治哽咽方

以虎骨末若狸骨服方寸七

又方瞿麥末服方寸七

治魚骨哽方

鷓鴣屎服方寸七

又方口稱鷓鴣鷓鴣則下

又方服橘皮湯

又方服沙糖水

又方燒魚網灰服方寸七

必效方云取魚網覆頭立下

治骨鯁在喉衆治不出方

取粘糖丸如雞子黃火吞之不去更吞浙大作丸可至拾丸止

又方燒虎狼屎服之

又方吞猪膏如雞子不瘥更吞瘥止

治食中吞髮咽不去繞喉方

取亂髮燒末酒服一錢七

治吞錢方

艾蒿五兩以水五升煮取一升頓服之即下

小丘山房

千金方卷五十三

四

喬氏世定刻行

又方服蜜二升即出

又方末火炭酒服方寸七水服亦得

治吞金銀鏤及釵方

白糖二斤一頓漸漸食之多食亦佳

又方吞水銀一兩再服之

悞吞鏤及指彊方

燒鴈毛二七枚末之鵝羽亦得

悞吞釵方

曝韭令萎蒸熟勿切食一東即出或生麥葉筋縷如韭法皆可用但力意多食自消

悞吞銅鐵而哽者方

燒銅弩牙令赤內酒中飲之立愈

悞吞釘針及箭鏃等方

但多食脂肥肉令飽自裹出

治悞吞針方

取懸針磁石末飲服方寸匕即下

右今錄驗云今吞針在喉中而服磁

石末入腹若含磁石口中或吸針而出耳也

脹滿第七論方

論且病者腹滿按而不痛者為虛按之痛者為實也夫腹中滿不減減不驚人此當下之舌黃未下者下之黃自去腹滿時減復如故此為寒當得溫藥腹滿口中苦乾燥腹間有水是飲對陽脉微弦法當腹滿不滿者必下部閉塞大便難兩胠下疼

小丘山房

千金方卷五十三

五

喬氏世定刻行

痛此虛寒氣從下向上當以溫藥服之取瘥腹滿轉痛來趣小

腹為欬自下利也一云腹中痛若轉氣下趣小腹為欬自利

溫胃湯治胃氣不平時脹欬不能食方

附子 當歸 厚朴 人參 橘皮

芍藥 甘草各一兩 乾薑伍分 蜀椒合三

右丸味吹咀以水九升煮取三升分三服

大半夏湯治胃中虛冷腹滿塞下氣方

半夏升一 大棗二十枚 甘草 附子 當歸

人參 厚朴 茯苓 枳實各二兩 桂心五兩

生薑八兩 蜀椒粒二百

右十二味吹咀以水一斗煮取三升分三服

附子粳米湯治腹中塞氣脹滿腸鳴切痛胸脇逆滿嘔吐方

附子一枚 半夏半斤 粳米各半斤 甘草兩一 大棗枚十

右五味以水八升煮米熟去滓每服一升日三服集驗加乾薑二兩

厚朴七物湯治腹滿氣脹方仲景云治腹滿發熱數十

厚朴半斤 甘草兩三 大黃兩三 大棗枚十 枳實枚五

桂心兩二 生薑兩五

右以水一斗煮取五升去滓內大黃煮取四升服八合

日三嘔逆者加半夏五合利者去大黃寒多者加生薑至半

斤

厚朴三物湯治腹滿發熱數十日脉浮而數飲食如故方

厚朴半斤 大黃兩四 陳枳實大者五枚

小丘山房

千金卷五十三

六

喬氏世定刻行

右以咀以水一斗二升煮取五升內大黃煎取三升去滓服

一升腹中轉動者勿服不動者更服一方加芒消二兩

吳茱萸湯治久寒胸脇逆滿不能食方

吳茱萸半斤 半夏半斤 小麥各一斤 甘草半斤 人參半斤

桂心各一斤 大棗二十枚 生薑八兩

右八味以酒五升水三升煮取三升分三服

大桂湯治虛羸胸膈滿方

桂心一斤 生薑各一斤 半夏一斤 黃耆四兩

右四味以水一斗半煮取五升分五服日三夜二

治男子卒勞內傷汗出中風腹脹大飢食不下心痛小便赤黃

時白大便不利方

大黃 亭歷 寒水石 苦參 黃連

栝蒌根 各等分

右六味為末蜜丸以豉汁和飲服如梧子大二九日三加至十九

灸法

臚脹脇腹滿灸臚輸百壯三報

胸滿心腹積聚痞痛灸肝輸百壯三報

脹滿水腫灸脾輸隨年壯三報

腹中氣脹引脊痛食飲多身羸瘦名曰食晦先取脾輸後取李脇

臟腑積聚脹滿羸瘦不能飲食灸三焦輸隨年壯

小丘山房

千金方

卷三十一

七

喬氏世定刻行

脹滿雷鳴灸大腸輸百壯三報

脹滿氣聚寒灸灸胃管百壯三報穴在鳩尾下三寸

腹脹滿繞臍結痛堅不能食灸中守百壯穴在臍上一寸一名水分

脹滿痲聚滯下痛冷灸氣海十壯穴在臍下一寸忌不可針

脹滿氣如水腫狀小腹堅如石灸膀胱募百壯穴在中極臍下四寸

脹滿腎冷痲聚洩利灸太樞百壯穴在臍傍相對橫去臍兩傍各二寸

痲冷積熱第八

方論灸法

論曰凡人中寒者喜欠其人清涕出發熱色和者善噉丸規

病者未脉望之口燥清涕出善噎欠此人中寒其人下利以裏
虛故也欲噎不能此人腹中痛九寒脉沉弦脉雙弦者寒也弦
脉狀如張弓弦按之不移脉數弦者當下其寒脉雙弦而遲者
心下堅脉大而緊者陽中有陰可下之右手寸口脉眩者即脇
下拘急而痛其人漉漉惡寒師曰遲者為寒澀為無血寸口脉
微尺中緊而澀緊即為寒微即為虛澀即為血不足故知發汗
而復下之大露宿丸主寒冷百病方見第十七卷中

礞石

桂心

附子

乾薑各二兩

右四味為末蜜丸如梧子大每服十九日三後稍加之

露宿丸治遇冷氣心下結緊嘔逆寒食不消并主傷寒晝夜觸

小丘山房

千金方卷五十三

八

喬氏世定刻行

寒冷惡氣方

附子

烏頭

桂心

礞石各四兩

右四味為末蜜丸如胡豆大以酒服三九日三加至十九藥

耐寒冷忌熱食近火宜冷飲食

治痼冷風眩寒中手足冷胃口寒臍下冷百病五勞七傷第一

令人能食二強盛三益氣四有子神驗方

大豆三升

生地黃十五斤

烏頭一百五十枚

右三味以除日咬咀烏頭以酒一斗半和地黃汁浸烏頭至

破日絞去滓肉豆藥汁中至除日出曝之有汁更浸曝之至

汁盡藥成初服送二豆起可至二十豆酒服之有病空腹服

無病食後服四時合並得二月三月為上時藥令人能食益

氣盛有子髮白反黑齒落重生先病熱人不可服

治心腹痼冷百治不瘥方

麴末升三 白木兩五 乾薑

桂心各三兩 蜀椒

吳茱萸各二兩

右六味治下節以末飲服方寸七日二不過五劑諸冷頓愈無忌空腹服之

治積年冷病方

蜀椒兩二 香豉升一

右二味持椒為末和豉更搗三千杵丸如彈丸大食前酒服日再

治諸冷極醫所不治方

小丘山房

千金卷五十三

九 喬氏世定刻行

馬蘭子升九 淨治去土空腹服一合日三飲及酒下之服訖

須臾以食壓之取瘥乃止

赤圓治寒氣厥逆方

茯苓 桂心各四兩 細辛兩一 烏頭 附子各二兩

射罔如犬棗一兩

右六味為末內真珠為色蜜丸如麻子空腹酒服九日毋

夜一不止加至二九以止為度一兩不用桂

半夏湯治胸滿有氣心腹中冷方

半夏升一 桂心兩四 生薑兩八

右三味咬咀以水七升煮取三升一服七合日三服

生薑湯溫中下氣方

生薑斤一 甘草兩三 桂心兩四

右三味咬咀以水六升煮取一升半一服五合日三服

甘草湯治產羸憊氣欲絕方

甘草 五味子 生薑各二兩 人參一兩 吳茱萸一升

右五味咬咀以水四升煮茱萸令小沸去滓內藥煮取一升

六合分二服服數劑佳

茱萸消石湯治久寒不欲飲食數十年癖飲方

吳茱萸合八 消石一升 生薑斤一

右三味以酒一斗水解令得二斗煮藥取四升服二升病即

下去勿更服也初下如泄後如汚泥着如沫滓吐者更可服

之養如乳婦法

小丘山房

千金卷五十三

喬氏世定刻行

大建中湯治心脇中大寒大痛嘔不能飲食飲食下咽自知

偏從一面下流有聲決決然若腹中寒氣上衝皮起出見有

頭足上下而痛其頭不可觸近方

蜀椒合二 乾薑兩四 人參兩二 枳糖一升

右四味咬咀以水四升煮取二升去滓內糖微火煮令得一

升半分三服服湯如炊三升米久可飲粥二升許更服當

一日食糜溫服之

大黃附子湯治脇下偏痛發熱其脉緊弦此寒也當以溫

藥下之方

大黃兩三 附子枚三 細辛兩二

右三味咬咀以水五升煮取二升分再服

論曰寸口脉弦而緊弦即衛氣不行衛氣不行即惡寒緊則不欲飲食弦緊相搏即為寒疝跗陽脉浮而遲浮即為風虛遲即為寒疝凡瘦人繞臍痛必有風冷穀氣不行而反下之其氣必衝不衝者心下則痞

大烏頭湯主寒疝繞臍苦痛發即白汗出手足厥寒其脉

沉弦者方

仲景名一物烏頭煎

烏頭十五枚熬黑不切以水三升煮取一升去滓內白

蜜二斤煎令水氣盡得二升強人服七合羸人五合一

服未效明日更服每日止一服不可再也

烏頭桂枝湯治大寒疝腹中痛逆冷手足不仁若一身盡痛

灸刺諸藥不能治方

小丘山房

金方卷五十三

二

喬氏世定刻行

秋乾烏頭

實中者五枚除去角

白蜜斤

右二味以蜜煎烏頭減半去滓以桂枝湯五合解之令得

一升許初服二合不止更進三合復不止加至五合其止

者如醉狀得吐者為中病也桂枝湯方見傷寒卷中

外臺方云以水二升半煮桂取一升以桂汁和蜜煎合煎之一升許服又云范注方云以桂枝湯和煎烏頭煎服

論曰凡人患大熱皆須候脉若大大熱者不得一準方用藥皆

準病用藥大熱不可却者當兩倍三倍大大熱者乃至十倍用

之乃可制之爾有人苦熱不已皆由服石所致種種服餌不能

制止惟朴消煎可以定之武德中有貴高人師市奴謂之金石

凌非也此方直用二消寒水石石膏可也即不勞金有金者

貴高人所加也

朴消煎方

朴消斤 碎硝八兩 石膏各二兩 寒水石四兩

右五味先內二消於八升湯中攪令消以紙窠封一宿取清內銅器中別擣寒水石石膏碎如豆粒以絹袋盛之內汁中以微火可候其上有漠起以筋投中著筋如漆重潔白急下瀉煮盆中待凝取出烈日曝乾積熱困悶不已者以方寸七白蜜一合和冷水五合攪和令消頓服之日三熱定即止

五石湯治胃間熱病後不除煩悶口中乾渴方

寒水石 消石 赤石脂 龍骨 桔萸根

牡蠣 甘草各五分 知母 桂心

小丘山房

金卷五三

三 喬氏世定刻行

石膏各三分 大黃二分

右十二味咀咀以水七升煮取三升分四服日三夜一諸本只
有四百

竹葉湯治五心熱手足煩瘁口乾唇燥胸中熱方

竹葉 小麥各一升 知母 石膏各三兩 茯苓

黃芩 麥門冬各二兩 人參一兩半 生薑兩 桔萸根

半夏 甘草各一兩

右十二味咀咀以水一斗二升煮竹葉小麥取八升去滓內藥煮取三升分三服老小分五服

半夏湯治胸中客熱心中煩滿氣上大小便難方

半夏升一 生薑八兩 前胡兩四 茯苓 白木各五兩

甘草一兩 黃芩 人參各二兩 杏仁 枳實各三

右十味吹咀以水九升煮取三升分三服胃中大熱者沉冷服之大小便澀加大黃二兩一方用梔子仁二兩為十一味

承氣湯治氣結胸中熱在胃管飲食嘔逆渴方

前胡 枳實 桂心 大黃 寒水石

知母 甘草各一兩 消石 栝蔞根 石膏各二兩

右十味吹咀以水一斗煮取三升分三服

治熱氣手足心煩熱如火方

竹葉二升 枳實三兩 青箱子 白前各一兩 吳茱萸

黃芩各二分 栝蔞根 麥門冬各二兩 生薑六兩 前胡一作芍藥

半夏各半兩

右十一味吹咀以水八升煮取三升分三服

小丘山房

金卷五二三

一三

喬氏世定刻行

地黃煎治熱方

地黃汁四升 茯苓三合 知母 姜糖各四兩 栝蔞根五兩

竹瀝三合 生薑汁 生地骨皮 白蜜 生麥門冬汁各二升

石膏八兩

右十一味吹咀以水一斗二升先煮諸藥取汁三升去滓下

竹瀝地黃麥門冬汁微火熬四五沸下蜜薑汁微火煎取六

升初服四合日三夜一加至六七合四月五月作散服之

治積熱方

枳實 黃芩 大黃 黃連 碎硝各二兩

右五味為末蜜丸如梧子大空心酒服三十九加至四十九

日一服

治膈上熱方

苦參

兩十 玄參

兩五 麥門冬

兩三 車前子

兩二

右四味為末蜜丸如梧子大一服十五丸日二服

細圓治客熱結塞不流利方

大黃

葶蘆

各三兩 香豉

各三 杏仁

巴豆

各五

右五味為末蜜丸如梧子大每日飲服二丸以利為度

治骨蒸熱羸瘦煩悶短氣喘息鼻張日西即發方

龍膽

黃連

桔梗

各四分 砒硝

梔子

各十分

苦參

大黃

黃芩

芍藥

青蘘子

各二兩

右十味為末蜜丸如梧子大飲服二丸日二以止為度一方

無善參已下止五味

張文仲為散飲方寸七

小丘山房

金卷五十三

十四

喬氏世定刻行

治骨蒸方

天靈蓋如梳大炙令黃碎以水五升煮取二升分三服起

死人神方

又方水服苦消一方寸七日二服神良

又方取人屎灰以酒服方寸七日二服

治五臟熱及身體熱脉弦急者方

灸第十四椎與臍相當五十壯老小增損之若虛寒至百

壯橫三間寸灸之

孫真人備急千金要方卷之五十三

孫真人備急千金要方卷之五十四

宋朝奉郎守太常少卿充秘閣校理林億等校正

肺臟方

肺臟脉論第一

論曰肺主魄魄藏者任物之精也為上將軍使在上行所以肺為五臟之華蓋並精出入謂之魄魄者肺之藏也鼻者肺之官肺氣通於鼻鼻和則能知香臭矣循環紫宮上出於頰候於鼻下迴肺中榮華於髮外主氣內主胸與乳相當左乳唐右乳辛肺重三斤三兩六葉兩耳凡八葉有十四童子七女子守之神名鴻鴻主藏魄號為魄藏隨節應會故云肺藏氣氣舍魄在氣為欸在液為涕肺氣虛則鼻息利少氣實則喘喝胸憑仰息肺氣

小丘山房

千金方卷之五十四

喬氏世定刻行

虛則夢見白物見人斬血藉藉得其時則夢見兵戰氣盛則夢恐懼哭泣厥氣容於肺則夢飛揚見金鐵之器及奇物

凡肺藏象金與大腸合為腑其經手太陰與陽明為表裏其脉浮相於季夏王於秋秋時萬物之所終宿葉落柯悽悽條杌然獨在其脉為微浮衛氣遲榮氣數數則在上遲則在下故名

曰毛陽當陷而不陷陰當昇而不昇為邪所中

二氣感激故易為風寒肺中邪

中邪則卷陰中邪則緊捲則惡寒緊則為慄寒慄相搏故名曰瘡弱則發熱浮乃來出旦中旦發暮中暮發藏有遠近脉有遲疾周有度數行有漏刻遲在上傷毛采數在下傷下焦中焦有惡則見有喜則匿陽氣下陷陰氣則溫陽及在下陰及在巔故名曰長而且留秋脉如浮秋脉肺也西方金也萬物之所以收

成也故其氣來輕虛而浮來急去散故曰浮反此者病何如而
反其氣來毛而中央堅兩傍虛此謂太過病在外其氣來毛而
微此謂不及病在中太過則令人氣逆而背痛溫溫然不及則
令人喘呼吸少氣而欬上氣見血下聞病音

肺脈來厭厭聶聶如落榆莢曰肺平秋以胃氣為本肺脈未不
上不下如循雞羽曰肺病

榮源無不字

肺脈來如物之浮如風吹毛曰肺死

真肺脈至大而虛如以毛羽中人膚色白赤不澤毛折乃死

秋胃微毛曰平毛多胃少曰肺病但毛無胃曰死毛而有弦曰
春病弦甚曰今病

肺藏氣氣舍魄喜樂無極則傷魄魄傷則狂狂者意不存人皮

小丘山房

金方卷五十四

二

喬氏世定刻行

革焦毛悴色夭死于夏

手太陰氣絕則皮毛焦太陰者行氣溫皮毛者也氣弗管則皮

毛焦皮毛焦則津液去津液去則皮節傷皮節傷者則爪

一作皮

枯毛折毛折者則氣先死丙篤丁死火勝金也

肺死藏浮之虛按之弱如葱葉下根者死秋金肺王其脈微澀

而短曰平反得大而緩者是脾之乘肺母之歸子為虛邪雖病

易治反得沉濡而滑者是腎之乘肺子之乘母為實邪雖病自

愈反得浮大而洪者是心之乘肺火之尅金為賊邪大逆十死

不治反得弦細而長者是肝之乘肺木之陵金為微邪雖病即

瘥肝乘肺必作虛

右手關前寸口陰絕者無肺脈也若短氣欬逆喉中塞噫逆刺

手陽明治陽

右手關前寸口陰實者肺實也若小氣胸中滿膨膨與肩相引刺手太陰治陰

肺脉未泛泛輕如微風吹鳥背上毛再至曰平三至曰惟經病凶至脫精五至死六至命盡手太陰脉也

肺脉急甚為癩疾微急為肺寒熱急惰欬唾血引腰背胸若鼻息肉不通緩甚為多汗微緩為痿漏風一作頭已下汗出不可

止大甚為脛腫微大為肺痺引胸背起腰內小甚為殮泄微小為消痺滑甚為息賁上氣微滑為上下出血瀉甚為嘔血微瀉

為鼠癩在頸肢腋之間下不勝其上其能喜酸

肺脉搏堅而長當病唾血其濡而散者當病漏一作汗至今不

小丘山房

千金卷五十四

三

喬氏世定刻行

復發散

白脉之至也喘而浮上虛下實驚有積氣在胸中喘而虛名曰肺脾寒熱得之醉而使內也

黃帝問曰經脉十二而手太陰之脉獨動不休何也手太陰本在寸口中

岐伯對曰足陽明胃脉也胃者五臟六腑之海胃脉在足趺上

寸骨解其精氣上清注於肺肺氣從大陰而行之其行之也以

息往來故人一呼脉再動一吸脉亦再動呼吸不已脉動不止

黃帝問曰氣口何以獨為五臟主岐伯曰胃者水穀之海六腑

胃居其大五味入於口藏於胃以養五臟氣氣口者大陰是也

臟腑之氣味皆出於胃變見於氣口氣口屬腑藏主即呼寸口

者也

扁鵲曰肺有病則鼻口張實熱則喘逆胸憑仰息其陽氣壯則夢恐懼等虛寒則欬息下利小氣其陰氣壯則夢涉水等肺在聲為哭在變動為欬在志為憂憂傷肺精氣并於肺則悲也

味主秋結滿而血者病在胸及以飲食不節得病者取之合故命曰味主合

病光發於肺喘欬三日之肝脇痛支滿一日之脾閉塞不通身痛體重五日之胃腹脹十日不已死冬日入夏日出病在肺下晡慧日中甚夜半靜

假令肺病南行若食馬肉及麀尊肉得之不者當以夏時發得病以丙丁日也宜赤藥

小丘山房

金卷五十四

四

喬氏世定刻行

凡肺病之狀必喘欬逆氣有息背痛汗出尻陰股膝掌髀膈臑足皆痛虛則少氣不能報息耳聾齒乾取其經手太陰足太陽之外厥陰內少陰血者

肺脉沉之而數浮之而喘苦洗洗寒熱腹滿腸中熱小便赤有背痛從腰以上汗出得之房內汗出當風

肺病其色白身體寒但無熱時時欬其脉微遲為可治宜服五味子大補肺湯瀉肺散春當刺少商夏刺魚際皆瀉之季夏刺

大淵秋刺經渠冬刺尺澤皆補之又當灸臑中百壯第三椎二

十五壯

和在肺則皮膚痛發寒壯上氣氣喘汗出欬動肩背取之膺中外輸背第三椎之傍以手痛按之快然乃刺之取之缺盆中以

越之

形寒寒飲則傷肺以其兩寒相感中外皆傷故氣逆而上行肺傷其人勞倦則欬唾血其脉細緊浮數皆吐血此為躁擾噴怒得之肺傷氣擁所致也

肺中風者口燥而喘身運而重冒而腫脹

肺中寒者其人吐濁涕

肺水者其人身體腫而小便難時時而大便鴨溇

肺脹者虛而滿喘欬目如脫狀其脉浮大

跌陽脉浮緩少陽脉微緊微為血虛緊為微寒此為鼠乳診得

肺積脉浮而毛按之辟易脇下時時痛逆背相引痛少氣善忘

目瞋結癰皮膚寒秋愈夏劇主皮中時痛如蠶緣之狀甚者如

小丘山房

千金卷五十四

五

喬氏世定刻行

針刺之狀時癢色白也

肺之積名曰息音在右脇下覆心大杯久久不愈病灑灑寒熱氣逆喘欬發肺癰以春甲乙日行之何也心病傳肺肺當傳肝肝適以春王者不受邪脉復欲還心心不肯受因留結為積故知息貫以春得之

肺病身常有熱欬嗽短氣唾出膿血其脉當短濇令反浮大其色當白而反赤者此是火之尅金為大逆十死不治商音人者主肺聲也肺聲哭其音磬其志樂其經手太陰厥逆陽明則聲衛不通陰陽反祚陽氣內擊陰氣外傷傷則寒寒則虛虛則厲風所中瘧吸戰掉語聲嘶塞而散下氣息短億四肢僻弱面色青葩遺失便利甚則不可治依源麻黃續命湯主之方見第

又言音喘急短氣好唾此為火尅金陽擊陰陰氣沉陽氣昇
則實實則熱則狂狂則閉眼悻言非常所說口赤而張飲無時
度此熱傷肺肺化為血不治若面赤而鼻不歌可治也

肺病為瘧者令人心寒寒甚則熱熱間善驚如有所見者恒山

湯圭之方見第十卷中若其人本未語聲雄烈忽爾不亮拖氣用力方

得出言而反於常人呼共語直視不應雖曰未病勢當不久此

則肺病聲之候也察觀疾病表裏相應依源審治乃不失也

白為肺肺合皮白如豕膏者吉肺主鼻鼻是肺之餘其人金形

相比於上商白色小頭方面小肩背小股小手足發動身輕精

廉急心靜悍性喜為吏耐秋冬不耐春夏感而生病主手

小丘山房

金匱卷五十四

六

喬氏世定刻行

太陰廉廉然肩膺厚薄正竦則肺應之正白色小理者則肺

小小則少飲不病喘喘粗理者則肺大大則虛虛則寒喘鳴多

飲病胸喉痺逆氣巨肩反膺陷喉者則肺高高則實實則熱上

氣肩息欬逆合腋張脇者則肺下下則逼貫迫肝善脇下痛鼻

塞或壅而涕生息肉好肩背厚者則肺堅堅則不病欬上氣肩

背薄者則肺脆脆則易傷於熱喘息鼻衄肩膺好者則肺端正

端正則和利難傷膺偏歌者則肺偏傾偏傾則病胸偏痛鼻亦

偏疾凡人分部陷起者必有病生大腸陽明為肺之部而藏氣

通於內外部亦隨而應之沉濁為內浮清為外若外病內入則

所部起內病裏出則所部陷外入前治陽後治陰內出前治陰

後治陽實瀉虛補陽主外陰主內凡人死生休否則藏神可變

形于外人肺前病鼻則為之孔開焦枯若肺前死鼻則為之梁折孔閉青黑色若天中等分暮色應之必死不活看色深淺斟酌賒促遠不出一年促不延時月肺疾少愈而卒死何以知之曰赤色黑如拇指鷹點見頰頰上此必卒死肺絕三日死何以知之口張但氣出而不還面白目青是謂亂經飲酒當風風入肺經膽氣妄泄目則為青雖有天救不可復生面黃目白如枯骨死吉凶之色在於分部順順而見赤白入鼻必病不出其年若年間不應三年之中禍必應也

秋金肺脉色白主手太陰脉也狄取經輸秋者金始治肺將收殺金將勝火陽氣在合陰氣初勝濕氣及體陰氣未盛未能深入故取輸以瀉陰邪取合以虛陽邪陽氣始衰故取於合

小山山房

金卷五十四

七 喬氏世定刻行

其脉本在寸口之中掌後兩筋間二寸中應在腋下動脉其脉根於太倉太倉在臍上三寸一分是也

其筋起於手大指之上循指上行結於魚後行寸口外側上循臂結肘中上臍內廉入腋下上出缺盆結肩 前上結缺盆下結胸裏散貫賁下抵季脇

其脉起於中焦下絡大腸還循胃口上膈屬肺從肺系橫出腋下下循臍內行少陰心主之前下肘中後循臂內上骨下廉入寸口上魚循魚際出大指之端其支者從腕後直次指內廉出其端合手陽為表裏陽明之本在肘骨中同會于手太陰大陰之別名列缺起於腋下分間並太陽之經直入掌中散入於魚際別走手陽明主肺生病病實則大腸熱熱則手兌掌

起起則陽病陽脈反逆大於寸口三倍病則欬上氣喘渴煩心
胸滿臂內前廉痛掌中熱氣盛有餘則有背痛風汗出中風虛
則大腸寒寒則欠欬小便遺數數則陰病陰脈反小於寸口一
倍病則肩背寒痛少氣不足以息李鵬空痛尿色變卒遺失無
度

秋三月者主肺大腸白氣裡病也其源從太陽繫季太陰太陰
受暹邪之氣則經絡纏滯毛皮緊腎發泄邪主則臟腑傷濕隨
秋受厲其病相及若腑虛則為陰邪所傷作寒乍熱損肺傷氣
暴嗽嘔逆若臟實則為陽毒所損體熱生斑氣喘引飲故曰白
氣裡病也

扁鵲云灸心肺二輸主治丹毒白裡病當依源為療調其陽理
小山房

其陰則臟腑之病不主矣
灸法

肺虛實第二脈方

肺實熱

右手寸口氣口以前脈陰實者手太陰經也病若肺脹汗出若
露上氣喘逆咽中塞如欬嘔狀名曰肺實熱也

治肺實熱胸憑仰息泄氣除熱方

石膏八兩 白前 杏仁各三 赤密七

橘皮 白木略五

枸杞根皮切二

右七味吹咀以水也升煮取二升去滓下

蜜煮三沸分三服

金卷五十四

八

喬氏世定刻行

治肺熱悶不止胸中喘急驚悸客熱來去欲死不堪服藥泄胸中喘氣方

桃皮

芫花各一升

右二味咬咀以水四斗煮取一斗五升去滓以故布巾內汁中薄胸溫四肢不盈數日即歇

橘皮湯治肺熱氣上欬息奔喘方

橘皮

麻黃各三兩

柴胡

乾紫蘇

剛紫作乾藍各二兩

宿薑

杏仁各四兩

石膏八兩

右七味咬咀以水九升煮麻黃兩沸去沫下諸藥煮取三升去滓分三服不瘥與兩劑

治肺熱喘息鼻衄血方

小丘山房

金卷五十四

九

喬氏世定刻行

羚羊角

玄參

射干

雞蘇

芍藥

升麻

柏皮各三兩

生地黄切一兩

梔子仁四兩

淡竹茹一雞子

一枚

右十味咬咀以水九升煮取三升分三服須利者下硝磺二兩更煮三沸

治肺熱飲酒當風風入肺膽氣妄泄目青氣喘方

麻黃

四兩

甘草

五味子各三兩

杏仁五十枚

母薑五兩

淡竹葉切一升

右六味咬咀以水七升先煮麻去沫下諸藥煮取三升去滓分三服

瀉肺散治酒客勞倦或出當風喜怒氣舍於肺面目黃腫起即頭眩欬逆上氣時忽欲絕心下弦急不能飲食或吐膿血胸

痛引背支滿欲嘔方

五味子

百部各二兩半 茯苓

附子

茯苓

當歸

石解

遠志

續斷各一兩

細辛

甘草

各七分 防風

蜀椒

紫莞

桂心

欬冬花

乾薑各一兩半 桃仁六十枚 杏仁三十枚

右十九味治下篩以酒服方寸七日三後稍加至二十七

灸法

肺脹氣搶脇下熱痛灸陰却隨年壯穴在俠胃管兩邊相去一

寸胃管在心下三寸

肺脹脇滿嘔吐上氣等病灸大椎并兩乳上第三肋間各止七

壯

小丘山房

千金卷五十四

十

唐丘世定刻行

肺與大腸俱實

右手寸口氣口以前脉陰陽俱實者手太陰與陽明經俱實

也病善頭痛目眩驚狂喉痺痛手臂捲脣吻不收名曰肺與

大腸俱實也治肺與大腸俱實令人氣懣滿煮散方

茯苓

麻黃各六分 黃耆

大青

桂心各三分

細辛

杏仁各五分 石膏二兩

丹參兩半

五味子

甘草

貝母

橘皮

芎藭各兩

枳實三枚

右十五味治下篩為粗散帛裹一方寸七半井花水一升五

合煮取七合為一服日再

肺虛冷

右手寸口氣口以前脉陰虛者手太陰經也病善少氣不足以

息嗑乾不津液名曰肺虛冷也

治肺虛冷聲嘶傷語言用力戰掉緩弱虛瘠風入肺方

防風 獨活 芎藭 秦椒 乾薑

黃耆各四十
二銖 天雄 麻黃 五味子 山茱萸各三十
六銖

甘草三十六
銖 秦艽 桂心 薯蕷 杜仲

人參 細辛 防己各三十
銖 甘菊花 紫宛各二十
四銖

賈衆二枚 附子七分

右二十二味治下節以酒服方寸七日一方有石膏六
分當歸五分

酥蜜膏酒治肺虛寒癘風所傷語聲嘶寒氣息喘懣欬唾止
氣嗽通聲方

酥 崖蜜 飴糖 生薑汁 生百部汁

小丘山房 金卷五十四 二 喬氏世定刻行

棗肉 杏仁各一升
研廿皮五具

右八味合和微火煎常攪三上三下約一炊久取薑汁等各

減半止溫酒一升方服寸寸細細咽之日二夜一

又方

豬脬三具 大棗百枚

右二味以酒五升漬之秋冬七日夏春五日出布絞去滓七

日服盡二七日忌鹽羊脬亦得治欬嗽胸脇支滿多喘上氣

尤良肘後方治久欬上氣
二十年諸治不痊者

治肺寒損傷氣嗽及涕唾鼻塞方

棗肉一斤研 杏仁一升熬
研為脂酥 生薑汁

白糖 白蜜 生百部汁各一升

右七味合和微火煎常攪約一炊久下之細細溫清酒服二合日二

補肺湯治肺氣不足逆滿上氣咽中悶塞短氣寒從背起口中如含霜靈言語失聲甚者吐血方

五味子三兩 乾薑 桂心 欬冬各二兩 麥門冬一升

大棗一百枚 粳米二合 桑根白皮一斤

右八味吹咀以水一斗先煮桑白皮五沸下藥煮取三升

三服

又方

黃耆五兩 甘草 鍾乳 人參各二兩 乾地黄

桂心 茯苓 白石英 桑白皮 厚朴

小丘山房

金卷五十四

二 喬氏世定刻行

乾薑 紫苑 橘皮 當歸 五味子

遠志 麥門冬各三兩 大棗二十枚

右十八味吹咀以水一斗四升煮取四升分五味日三夜二

又方專治肺氣不足欬逆上氣牽繩而坐吐沫唾血不能飲食

方

蘇子一升 桑白皮五兩 半夏六兩 紫苑 人參

甘草 五味子 杏仁各二兩 欬冬花 射干各一兩

麻黃 乾薑 桂心各三兩 細辛半兩

右十四味吹咀以水一斗二升煮取三升半分五服日三夜

二

又方治肺氣不足欬逆短氣寒從背起口中如含霜靈語無音

漿而渴舌本乾燥方

五味子各一升 蘇子各一升 白石英 鍾乳各三兩 欵冬花

竹葉 橘皮 桂心 桑白皮 茯苓

紫莞各二兩 粳米二合 麥門冬四兩 生薑五兩 杏仁五十枚

大棗一枚

右十六味吹咀以水一斗三升先煮桑白皮粳米大棗米熟

去滓內諸藥煮取五升分六服日三

又方治肺氣不足心腹支滿欵嗽喘逆上氣唾膿血胸背痛手

足煩熱傷寒自驚皮毛起或哭或歌或怒乾嘔心煩耳中聞風

兩聲面色白方

欵冬花 桂心各二兩 桑白皮一斤 生薑 五味子

小丘山房 金卷五一四 喬氏世定刻行

鍾乳各三兩 粳米五合 大棗十枚 麥門冬四兩

右九味吹咀以水一斗二升先煮粳米棗令熟去之內藥煎

取二升分三服溫服之一方用白石英二兩廣濟用紫莞八參各二兩

名紫莞湯

麻子湯治肺氣不足欵唾膿血氣短不得臥方

麻子一斤 桑白皮 錫斤各一兩 桂心 人參各二兩

阿膠 紫莞各一兩 生薑三兩 乾地黄四兩

右九味吹咀一斗五升水一斗五升合煮取四升分五服

錫煎治肺氣不足咽喉苦乾方

作錫任多少取乾棗一升去核熟擣水五升和使相得絞

去滓澄去上清取濁者內鉛中攪火上煎勿令堅令連連

服如雞子大漸漸吞之日三夜二

治肺風氣痿絕四肢滿脹喘逆胸滿方

灸肺輸各二壯肺輸對乳引繩度之在第三椎下兩傍
去各一寸五分

肺與大腸俱虛

右手寸口氣口以前脉陰陽俱虛者手太陰與陽明經俱虛也
病苦耳鳴嘈嘈時妄見光明情中不樂或如恐怖名曰肺與
大腸俱虛也

小建中湯治肺與大腸俱不足虛寒之氣小腹拘急腰痛羸瘦
百病方

大棗十二枚 生薑

桂心各三兩 甘草二兩

芍藥六兩

小丘山房

全愈卷五十四

一四 喬氏世定刻行

右五味咬咀以水八升煮取三升去滓內糖八兩煮三沸分

三服

肘後用黃耆人參各二兩路黃耆建中湯

肺勞第三 論方

論曰凡肺勞病者補腎氣以益之腎王則感於肺矣人逆秋氣
則手太陰不收肺氣焦滿順之則生逆之則死順之則治逆之
則亂反順為逆是為關格病則生矣

麻黃引氣湯治肺勞實氣喘鼻張面目苦腫方

麻黃

杏仁

生薑

半夏各五分 紫蘇分四

白前

細辛

桂心各三分

橘皮分

石膏八兩

竹葉

切一升

右十一味咬咀以水一斗煮取三升去滓分三服

半夏湯治肺勞虛寒心腹冷氣逆遊氣胸脇氣滿從胸達背痛
憂氣往來嘔逆飲食即吐虛乏不足方

半夏升一 生薑斤一 桂心兩四 甘草 厚朴各二兩

人參 橘皮 麥門冬各三兩

右八味以水一斗煮取四升分四服腹痛加當歸二

厚朴湯治肺勞風塵冷痰澀水氣晝夜不得卧頭不得近枕

上氣胸滿喘息氣絕此痰水盛溢方

厚朴 麻黃 桂心 黃芩 石膏

大戟 橘皮各二兩 枳實 甘草 秦艽

杏仁 茯苓各三兩 細辛兩一 半夏升一 生薑兩十

大棗十五枚

小丘山房

千金方卷五十四

一五 喬氏世定刻行

右十六味以水一斗三升煮取四升分五服

治喉痺氣逆欬嗽口中涎唾方

灸肺輸七壯亦可隨年壯至百壯

孫真人備急千金要方卷之五十四

